

եայլի բաժանման տեղ»ը կոչուած բլուր մը ցոյց կուտան այդ կողմի գիւղացիները (Tent work in Palestine, Բ. հատ. էջ 223-224, Conder) :

Արևաւեկի ծառը սուրբ ընտանիքին եգիպտո փախչելու ժամանակ. — Ս. ընտանիքը Բեթղեհէմ — Քերրոնի հարաւ — արեւմտեան տաժանելի ճամբով չորս օրէն Գազա հասաւ՝ ըստ աւանդութեան (Աւեսարան Ծննդեան, ԻԱ.), և անկէ ալ զիւրութեամբ զնաց եգիպտոսի սահմանը՝ էլ — Արիշ: Այս էր եգիպտոս փախչելու ճանապարհը, ոչ թէ Մեռեալ ծովու հարաւային ճանապարհը, որ պիտի ըլլար երկար և տաժանելի:

Գազայի և էլ — Արիշի ճամբորդութեան միջոցին սուրբ ընտանիքին հետեւեալը պատահեցաւ, ինչպէս կը պատմէ անվաւեր Ծննդեան Աւեսարանը: Ճամբորդութեան երրորդ օրն էր, Ս. Կոյսը շատ յոգնած էր և արեւը խիստ տաք. մեծ անապատէ մը անցած միջոցին արմաւենի մը տեսաւ ան. երբ ծառին մօտ հասան, Յովսէփ իջեցուց զայն էշէն: Ս. Կոյսը վեր նայելով տեսաւ որ ծառը զարգարուած էր գեղեցիկ պրտուղներով և ըսաւ Յովսէփին. կ'ուզեմ ուտել այս ծառին պտուղէն. Յովսէփ պատասխանեց. կը զարմանամ թէ ի՛նչպէս պիտի ուտէք ասոնցմէ: Նոյն միջոցին Յիսուս որ կաթ կը ծծէր մօրը գիրկը, ըսաւ արմաւենիին որ ծռի և թոյլ տայ իր մօրը ուտելու իր պտուղէն, որչափ որ ուզէ: Ասկէ անմիջապէս վերջ, հնազանդեցաւ արմաւենին և Ս. Կոյսը յագենալու աստիճան կերաւ, ու ծառը տակաւին հակած կը մնար գէպի անոր. երբ տեսաւ Յիսուս ասիկա՝ ըսաւ. ո՛վ արմաւենի, շխտակ կեցիր. ու ծառը շտկուեցաւ (Աւ. Ծննդ. Ի.), (տե՛ս De Beth. à Naz. էջ 284):